





Tebello Nyokong ke setsebi se bohlokwa sa
tša Mahlale sa Moafrika Borwa.

Tsebo ya gagwe e thuša go alafa le go
phološa batho bao ba lwalago kudu.



Tebello o godišitšwe ke koko le rakgolo ba gagwe kua Lesotho. Ba mo godišitše gabotse.


Kgodišong ya gagwe o be a diša dinku. O be a eya sekolong ka letšatši le, gomme le le latelago a ye madišong. Ke ka fao a thomilego sekolo ka gona.



Ge Tebello a be a dišitše dinku, o ile a lemoga diphoofolo le mehlare ye mengwe kua nageng.

Tebello o be a na le kgahlego lefaseng leo le bego le mo dikologile. E be e le ngwana wa go rata go tseba.


Go golela dinagamagaeng go mo rutile tše dintší mabapi le tlhago.



Tebello o be a rata go ithuta Thutamahlale sekolong.

O ile a hwetša ditšhošetšo tša gore a se ke a leka ka lebaka la gore Thutamahlale e bothata kudu. O boditšwe le gore ke thuto ya bašemane e sego ya basetsana.

Mathomong o ile a theeletša ditšhošetšo tšeо.
Bagwera ba gagwe sekolong ba be ba dira
dithuto tše dingwe.



Efela Tebello o be a rata Thutamahlale. O be a tshepa gore o tla e kgona.

Mafelelong o ile a dumelwa go ithutela yona Thutamahlale. O be a thabile ebile a e kgona kudu.

O thomile go ithuta Thutamahlale mengwaga ye mebedi pele a feleletša maramatlou.



Tebello o ile a šoma ka maatla gore a fihlelele
maemong a bana bao ba bego ba le phapošing
ya Thutamahlale.

O be a le bohlale, a na le phegelelo ebile a rata go
ithuta.

Mo mengwageng ye mebedi ya go ithuta
Thutamahlale sekolong se se phagamego, Tebello
o ile a tšwelela gabotse ntle le pelaelo.



Chemistry ke karolo ye nngwe ya tsebo ya Thutamahlale. Yona e be e le mmamoratwa wa Tebello ka mo lefapheng la tša mahlale.

Diteko tša *Chemistry* di dirwa laporating ya saense.

Tebello o be a tseba gore o nyaka go ithutela *Chemistry* ge a eya yunibesithi.



Morago ga go tšwelela mphatong wa
marematlou, Tebello o ile a ya yunibesithing ya
Lesotho. O be a ithutela tikrii ya Thutamahlale.

E be e le moithuti yo bohlale a bile a šoma ka
maatla. O be a fetša nako ye ntši a le ka
laboratoring a dira diteko tša *Chemistry*.

O hweditše dipolo tša go phadima kudu. Dipolo
tšeо tša dira gore a hwetše thekgo ya mašeleng a
go ithutela go tšwela pelē nageng ya Canada.



Le ge Tebello a be a rata dithuto tša gagwe tša mahlale, o ile a nyamišwa ke go tlogela lapa la gabon meloko ya gabon mono Afrika.

O be a se na kgetho, o ile Canada ka ge a be a nyaka go dira dinyakišišo tša Thutamahlale.

O be a nyaka go ba setsebi se segolo sa Thutamahlale.



Lefaseng la Canada, Tebello o ile a kopana le bagwera ba bafsa.

Ba be ba bolela maleme a go fapafapana efela leleme la Seiseman e be e le lona mokgokaganyi wa bona. Ba be ba kgon a go kwana ge ba boledišana.

Kua Canada, lehlwa le be le apeša ditoropo go no swana le dithabeng tša Lesotho.



Ke ge a eya yunibesithing go la Amerika. Gona yunibesithing yeo, Tebello o ile a tsepelela nyakišišong ya saense ya go Iwantšha malwetši a kotsi.


Ka morago ga mengwaga ye mentši ya go ithuta, dinageng tša ka ntle, Tebello a boa gae, Afrika Borwa. O be a nyaka go aba tsebo ya gagwe le go thuša batho ba gabu.

Tebello o be a itshepa ebile a dumela gore ga go na seo se ka emago tseleng ya gagwe.



Lehono le, Tebello ke Moprosesara wa tša Mahlale. Ke mofahloši yunibesithing gape o na le laboratori ya gagwe ya Saense.

O dira dinyakišo ka ditsela tše difsa tša go thuša batho ka malwetši a šoro, kudu batho ba Afrika. Mošomo wa Moprosesara Nyokong o oketša tsebo ya go alafa le go phološa batho bao ba swerwego ke bolwetši bja kankere.



Mošomo wa gagwe o thuša go tšweletša tshedimošo ye bohlokwa le go Iwantšha malwetši a kotsi.

Bophelo bja gagwe bo bontšha bohlokwa bja go ba le boitshepo le go se hwe matwa. Lefase ka bopphara, le nyaka boramahlale ba go swana le Moprophesara Tebello Nyokong!



—Dipotšišo

1. Efa maina a dinaga tše tharo fao Tebello a ithutilego gona. Di hwetše godimo ga mmepe.
2. Ge a be a sa le ngwana, na Tebello o ile a theeletša dipolelo tšeо batho ba bego ba di bolela ka seo a se ratago? Na o tseba bjang?
3. Ke ka lebaka la eng ba be ba re a se ke a ithutela Thutamahlale? Na wena o dumelana le bona?



—Dipuku tšeо di lego mo tlhahlamonong
ye

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala



Kanegelo ye e hlamilwe le go ngwalwa ka Sesotho, e le karolo ya projeke ya Zenex Ulwazi Lwethu ya 2020 ya dipuku tša go bala.